

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 5 DISEMBER 2013, PUKUL 10.00 PAGI**

**Bil. 51**

---

**PERTANYAAN-PERTANYAAN BAGI JAWAB LISAN**

1. PR-1313-L58199  
**Datuk Madius Tangau [ Tuaran ]** minta **MENTERI KESIHATAN** menyatakan adakah Kementerian sedar bahawa beribu-ribu graduan daripada kolej-kolej kejururawatan yang tidak mendapat pekerjaan.
2. PR-1313-L57114  
**Tuan Ng Wei Aik [ Tanjong ]** minta **MENTERI DALAM NEGERI** menyatakan hasil-hasil kejayaan Ops 6P bersepadu dalam mengurangkan pendatang-pendatang asing tanpa izin (PATI) untuk tempoh September hingga November 2013 mengikut bilangan PATI ditahan, didakwa dan dihantar balik serta statistik mengikut negara-negara asal mereka dan juga mengikut kesalahan-kesalahan yang dikenalpasti.
3. PR-1313-L58947  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI SUMBER MANUSIA** menyatakan adakah Kementerian bercadang untuk mengkaji had maksimum umur pengawal-pengawal keselamatan yang diambil bekerja oleh syarikat keselamatan.
4. PR-1313-L57496  
**Dr. Michael Jeyakumar Devaraj [ Sungai Siput ]** minta **MENTERI DALAM NEGERI** menyatakan mengapa Kerajaan belum mengubahsuai polisi supaya mengeluarkan permit kerja sementara secara "automatik" pada pekerja asing yang telah mendakwa majikannya di Mahkamah Buruh ataupun Mahkamah Perhubungan Perindustrian supaya pekerja asing itu dapat teruskan kesnya sehingga mendapat keputusan.
5. PR-1313-L58104  
**Datuk Sapawi bin Ahmad Wasali [ Sipitang ]** minta **MENTERI PENDIDIKAN** menyatakan tindakan yang diambil dalam persediaan seandainya ada pelajar yang gagal dalam peperiksaan SPM di mana pelajar terbabit tidak memiliki sebarang sijil kelulusan akademik sejak darjah satu hingga tingkatan lima disebabkan tahun ini merupakan peperiksaan terakhir bagi peperiksaan PMR.

6. PR-1313-L58574  
**Dato' Kamarudin bin Jaffar [ Tumpat ]** minta **PERDANA MENTERI** menyatakan sama ada Kerajaan bercadang menambahkan lagi jumlah hari bersidang Parlimen memandangkan banyak persoalan negara dan undang-undang yang perlu dibahas untuk diluluskan.
7. PR-1313-L58230  
**Dato' Hasbullah bin Osman [ Gerik ]** minta **MENTERI KEMAJUAN LUAR BANDAR DAN WILAYAH** menyatakan dalam usaha memberi perkhidmatan bekalan air bersih di perkampungan orang asli apakah tindakan dan peruntukan yang telah disediakan. Sejauhmana kemudahan bekalan air bersih dinikmati masyarakat asli di seluruh negara.
8. PR-1313-L59076  
**Tuan Haji Nasrudin bin Hassan [ Temerloh ]** minta **MENTERI PENDIDIKAN** menyatakan status Universiti Islam Antarabangsa Malaysia (UIAM) sama ada ia merupakan IPTA atau sebaliknya.
9. PR-1313-L58038  
**Dr. Mansor bin Abd Rahman [ Sik ]** minta **MENTERI KESIHATAN** menyatakan caj perkhidmatan kesihatan untuk pendatang asing mendapatkan rawatan di hospital-hospital Kerajaan terlalu rendah dan merugikan Kerajaan jika dinilai daripada rawatan yang mereka terima. Contohnya sebagai pesakit luar setiap pendatang asing dicaj RM15 semasa pendaftaran dan mendapat pelbagai rawatan termasuk penyiasatan (ujian darah, radiologi dan lain-lain), rawatan seperti suntikan dan ubatan, prosedur termasuk ECG and EXR yang kosnya berkali ganda berbanding caj dikenakan. Apakah Kementerian akan mengkaji semula kadar caj dikenakan dalam usaha mengurangkan bebanan Kerajaan ke atas pendatang asing.
10. PR-1313-L57382  
**Tuan R. Sivarasa [ Subang ]** minta **MENTERI SUMBER MANUSIA** menyatakan langkah-langkah yang akan dilaksanakan oleh Kerajaan untuk mengurangkan jumlah pekerja asing yang dibawa masuk setiap tahun, jumlah sasaran kekurangan yang diharap dicapai dan tempoh-tempoh untuk mencapainya.
11. PR-1313-L59040  
**Datuk Joseph Salang anak Gandum [ Julau ]** minta **MENTERI PENDIDIKAN** menyatakan berkenaan proses-proses tender implementasi projek sekolah di Sarawak.
12. PR-1313-L58477  
**Tuan Ahmad Baihaki bin Atiqullah [ Kubang Kerian ]** minta **MENTERI PENDIDIKAN** menyatakan di manakah letaknya kedudukan Sekolah Agama Rakyat dalam Pelan Pembangunan Pendidikan Malaysia (PPPM) dan adakah Kementerian tidak berhasrat untuk mengembalikan bantuan per kapita kepada Sekolah-sekolah Agama Rakyat yang dinafikan semenjak tahun 2003.

13. PR-1313-L57212  
**Dato' Haji Mohd Zaim bin Abu Hasan [ Parit ]** minta **MENTERI KESIHATAN** menyatakan berapa buah Klinik 1Malaysia (K1M) yang telah dapat diwujudkan semenjak pelancarannya sehingga sekarang. Apakah usaha Kerajaan pada jangka panjang untuk menambah baik program ini.
14. PR-1313-L58547  
**Tuan Mohamed Azmin bin Ali [ Gombak ]** minta **MENTERI DALAM NEGERI** menyatakan berapakah jumlah nilai harta yang disita di bawah Seksyen 413 Kanun Tatacara Jenayah yang tidak dituntut semenjak 2008 sehingga 2012 mengikut negeri dan di manakah kedudukan harta sitaan tersebut pada hari ini.
15. PR-1313-L59105  
**Ir. Shaharuddin bin Ismail [ Kangar ]** minta **MENTERI BELIA DAN SUKAN** menyatakan adakah Kementerian bercadang mengambil alih Liga Super dalam melahirkan satu liga yang berprestij kerana FAM dianggap gagal menarik minat penonton.
16. PR-1313-L59117  
**Tuan Karpal Singh [ Bukit Gelugor ]** minta **MENTERI DALAM NEGERI** menyatakan bilangan parti-parti politik yang telah berdaftar di negara ini dan bilangan permohonan bagi pendaftaran yang belum selesai sehingga 30 September 2013.
17. PR-1313-L57872  
**Dato' Othman bin Aziz [ Jerlun ]** minta **MENTERI KERJA RAYA** menyatakan apakah Kerajaan berhasrat untuk meneruskan perancangan yang telah lama, untuk membina Jalan Pesisir Pantai dari Kuala Sanglang ke Kuala Muda. Apakah status terkini projek tersebut.
18. PR-1313-L57247  
**Dato' Seri Anwar bin Ibrahim [ Permatang Pauh ]** minta **PERDANA MENTERI** menyatakan kadar kemiskinan dan bilangannya bagi setiap kumpulan etnik di Malaysia, dan perbezaan jurang pendapatan di antara kumpulan terkaya dan termiskin bagi setiap kumpulan etnik.
19. PR-1313-L58835  
**Datuk Koh Nai Kwong [ Alor Gajah ]** minta **MENTERI PERTANIAN DAN INDUSTRI ASAS TANI** menyatakan rancangan landasan kongsi pengetahuan, jalinan hubungan antara negara ASEAN untuk bersama berusaha meningkatkan pengeluaran makanan dan adakah ini akan memanfaatkan kepada negara kita.
20. PR-1313-L58614  
**Dato' Dr. Mujahid Yusof Rawa [ Parit Buntar ]** minta **MENTERI PERTANIAN DAN INDUSTRI ASAS TANI** menyatakan kesan kepada petani dan peladang apabila Malaysia menandatangani perjanjian *Trans Pacific Partnership Agreement* (TPPA).

21. PR-1313-L58667  
**Datuk Bung Moktar bin Radin [ Kinabatangan ]** minta **PERDANA MENTERI** menyatakan tentang usaha Kerajaan bagi memberi perlindungan kepada saudara baru yang memeluk Islam terutamanya kaum wanita setelah dipulaukan oleh kaum keluarga.
22. PR-1313-L57887  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan hasil siasatan oleh Bank Negara Malaysia (BNM) seperti yang diarahkan oleh Menteri pada tahun 2011 berkenaan dengan keluaran wang secara haram (GFI Report) sebanyak USD285 bilion dalam masa 10 tahun.
23. PR-1313-L58263  
**Dato' Sri Liow Tiong Lai [ Bentong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kementerian mengadakan rundingan dengan pemaju-pemaju dalam mencari pendekatan baru untuk mengatasi masalah harga rumah yang tinggi dan jika ada, nyatakan status rundingan tersebut.
24. PR-1313-L57569  
**Tuan Hee Loy Sian [ Petaling Jaya Selatan ]** minta **MENTERI DALAM NEGERI** menyatakan tindakan siasatan terhadap dua anggota polis yang bertugas sehingga mangsa P. Babu dikatakan membunuh diri dengan menggunakan baju lokap yang dipakai mangsa pada 1 Februari 2009 di Balai Polis Jempol, Negeri Sembilan.
25. PR-1313-L57591  
**Puan Hajah Normala binti Abdul Samad [ Pasir Gudang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan peluang-peluang yang diberikan kepada suri rumah sepenuh masa menjana pendapatan sampingan bagi meningkatkan lagi jumlah pendapatan isi rumah.
26. PR-1313-L57848  
**Tuan Liew Chin Tong [ Kluang ]** minta **MENTERI PERTAHANAN** menyatakan senarai perolehan kelengkapan pertahanan dalam *Rolling Plan* 1, 2 & 3 Rancangan Malaysia Ke-10.
27. PR-1313-L58702  
**Datuk Haji Shabudin bin Yahaya [ Tasek Gelugor ]** minta **MENTERI KEWANGAN** menyatakan :-
  - (a) apakah pendirian Kementerian Kewangan mengenai aktiviti syarikat-syarikat kad kredit yang bekerjasama dengan syarikat-syarikat insuran untuk mendapatkan pelanggan melalui telefon kepada pelanggan kad kredit; dan
  - (b) apakah bentuk pemantauan dan *Standard Operating Procedure (SOP)* yang digunakan.

28. PR-1313-L57945  
**Tuan Wong Tien Fatt @ Wong Nyuk Foh [ Sandakan ]** minta **MENTERI LUAR NEGERI** menyatakan apakah kedudukan rasmi Kerajaan Malaysia terhadap tuntutan Kerajaan Filipina atau Kesultanan Sulu ke atas negeri Sabah, berdasarkan undang-undang antarabangsa. Apakah status dan usaha penyelesaian tuntutan-tuntutan mereka, dan adakah Kerajaan Brunei dilibatkan.
29. PR-1313-L58285  
**Datuk Jumat bin Idris [ Sepanggar ]** minta **MENTERI KEWANGAN** menyatakan :-
- (a) apakah relevannya untuk memperketatkan pinjaman rumah daripada tempoh pinjaman 40 tahun kepada 35 tahun dan adakah ia akan lebih membebankan rakyat; dan
  - (b) adakah Bank Negara merancang untuk memperketatkan pinjaman kenderaan daripada 9 tahun kepada 7 tahun.
30. PR-1313-L57744  
**Tuan Nga Kor Ming [ Taiping ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan secara satu per satu apakah pencapaian terkini dan pelan tindakan Kementerian untuk memastikan kejayaan pelaksanaan Akta Persaingan 2010 (*Competition Act 2010*).
31. PR-1313-L57753  
**Tuan Haji Hasbi bin Haji Habibollah [ Limbang ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan dapatkah Kementerian mengkaji semula laluan dan zon untuk subsidi pengangkutan minyak dan LPG agar usaha murni Kerajaan menolong rakyat akan lebih berkesan dan tidak membazir untuk mengelak ketirisan.
32. PR-1313-L58520  
**Tuan Chong Chieng Jen [ Bandar Kuching ]** minta **MENTERI KEWANGAN** menyatakan apakah polisi Kerajaan untuk memberi perlindungan kepada pembeli-pembeli rumah di mana projek perumahan telah menjadi terbenkakai (*abandoned*) supaya mereka tidak terus dikenakan caj-caj dan faedah-faedah yang tinggi oleh bank-bank yang memberi pinjaman kepada pembeli rumah tersebut.
33. PR-1313-L58179  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI PENGANGKUTAN** menyatakan mengapa Syarikat Penerbangan Malaysia (MAS) masih mengasingkan harga tiket dengan caj-caj yang lain yang didapati mengelirukan.
34. PR-1313-L58112  
**Datuk Haji Abdul Azeez bin Abdul Rahim [ Baling ]** minta **MENTERI KEWANGAN** menyatakan langkah yang diambil bagi membendung masalah penyeludupan rokok dan tembakau tiruan sehingga menjejaskan pendapatan negara dari segi cukai dan sebagainya.

35. PR-1313-L57261  
**Laksamana Pertama Haji Mohamad Imran bin Abd Hamid (B) [ Lumut ]** minta **PERDANA MENTERI** menyatakan adakah terdapat perancangan untuk mempertingkatkan usaha mengatasi gejala sosial di kalangan masyarakat remaja yang kini telah terlalu jauh menyimpang dari sudut syiar Islam mahu pun adab dan budaya.
36. PR-1313-L58983  
**Dr. Mohd. Khairuddin bin Aman Razali [ Kuala Nerus ]** minta **MENTERI KESIHATAN** menyatakan jumlah pegawai-pegawai agama yang telah ditempatkan di hospital-hospital Kerajaan seluruh negara.
37. PR-1313-L58593  
**Dato' Noraini binti Ahmad [ Parit Sulong ]** minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah kes penderaan wanita dan kanak-kanak bagi tempoh 6 bulan terakhir dan apakah langkah-langkah dan tindakan pihak kementerian dalam mendidik masyarakat agar kes-kes yang membabitkan wanita dan kanak-kanak dapat dihindarkan.
38. PR-1313-L57560  
**Datuk Hajah Norah binti Abd Rahman [ Tanjong Manis ]** minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan dapat mempertimbangkan untuk membina atau membaik pulih rumah milik warga tua yang tidak berkemampuan dan tidak mempunyai anak memandangkan rumah mereka yang terlalu uzur dan dalam keadaan yang amat merbahaya.
39. PR-1313-L57764  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI KEWANGAN** menyatakan perincian nilai terkini hutang terkumpul Syarikat 1Malaysia Development Berhad (1MDB) dan jumlah hutang yang mendapat jaminan Kerajaan.
40. PR-1313-L58550  
**Tuan Wan Hasan bin Mohd Ramli [ Dungun ]** minta **PERDANA MENTERI** menyatakan apakah benar Kerajaan membenarkan FELDA mengambil alih seluruh tanah peneroka dengan tawaran tertentu dan melibatkan urusan pajakan baru tanah ini kepada institusi kewangan.
41. PR-1313-L58064  
**Tuan Khoo Soo Seang [ Tebrau ]** minta **MENTERI KOMUNIKASI DAN MULTIMEDIA** menyatakan adakah Kerajaan berhasrat menggubal Akta Pelindungan Data Peribadi demi mengurangkan kesalahgunaan data peribadi oleh pihak-pihak yang tidak bertanggungjawab.

42. PR-1313-L57481  
**Tuan Jeff Ooi Chuan Aun [ Jelutong ]** minta **MENTERI KOMUNIKASI DAN MULTIMEDIA** menyatakan apakah perkembangan terkini mengenai projek peralihan ke digital broadcasting bagi siaran TV di Malaysia, termasuk RTM dan semua *terrestrial broadcaster* milikan swasta. Berapakah pelaburan RTM setakat ini.
43. PR-1313-L58250  
**Dr. Noor Azmi bin Ghazali [ Bagan Serai ]** minta **PERDANA MENTERI** menyatakan adakah Kerajaan sedar kejayaan ETP untuk mentransformasikan ekonomi amat bergantung pada kecanggihan aktiviti ekonomi. Kita perlukan daya inovasi, kreativiti dan aplikasi ilmu yang intensif. Sejauh manakah banjiriran pekerja asing tanpa kemahiran menjadi penghalang kepada usaha mentransformasikan ekonomi negara.
44. PR-1313-L57778  
**Tuan M. Kulasegaran [ Ipoh Barat ]** minta **MENTERI PELANCONGAN DAN KEBUDAYAAN** menyatakan jenis rumah terbuka yang telah dianjurkan oleh Kerajaan di peringkat kebangsaan seumpamanya semasa perayaan-perayaan Hari Raya, Tahun Baru Cina, Deepavali, Hari Kebangsaan dan lain-lain dan nyatakan perbelanjaan yang dibelanjakan bagi setiap perayaan tersebut.
45. PR-1313-L59057  
**Dato' Abdul Manan bin Ismail [ Paya Besar ]** minta **MENTERI PENDIDIKAN** menyatakan faktor-faktor yang masih membelenggu proses kemasukan pelajar dan pembelajaran setiap semester secara online pada setiap Institut Pengajian Tinggi Awam (IPTA) di negara ini.
46. PR-1313-L57828  
**Datuk Nur Jazlan bin Mohamed [ Pulai ]** minta **MENTERI PERTAHANAN** menyatakan langkah-langkah yang diambil dalam melaksanakan pemantauan di semua sempadan negara khususnya di perairan Sabah daripada diceroboh kumpulan bersenjata.
47. PR-1313-L58353  
**Tuan Haji Khalid bin Abdul Samad [ Shah Alam ]** minta **MENTERI KEWANGAN** menyatakan status pelaksanaan GST dan berapakah hasil yang bakal dipungut oleh Kerajaan.
48. PR-1313-L57309  
**Dr. Azman bin Ismail [ Kuala Kedah ]** minta **MENTERI PENDIDIKAN** menyatakan pihak manakah yang bertanggung jawab menyemak dan memastikan kebenaran fakta dalam buku teks sekolah. Berapa kerap penilaian dilakukan.
49. PR-1313-L57541  
**Dato' Fauzi bin Abdul Rahman [ Indera Mahkota ]** minta **MENTERI KEWANGAN** menyatakan secara jelas dan telus mengenai jumlah pendapatan Kerajaan melalui PETRONAS bagi 10 tahun terakhir, menerusi royalti, cukai dan lain-lain.

50. PR-1313-L57406  
**Tuan Wong Chen [ Kelana Jaya ]** minta **MENTERI DALAM NEGERI** menyatakan :-
- (a) bilangan individu yang telah ditangkap di bawah "Operasi Cantas"; dan
  - (b) berapa orang yang akan didakwa ke mahkamah.
51. PR-1313-L57147  
**Dr. Ismail bin Daut [ Merbok ]** minta **MENTERI PENDIDIKAN** menyatakan langkah-langkah yang telah, sedang dan akan diambil terhadap pelajar-pelajar bermasalah seperti ponteng dan terlibat dengan gejala yang tidak sihat. Kebanyakan pelajar-pelajar tersebut terlibat dengan penyalahgunaan dadah dan aktiviti sosial yang lain.
52. PR-1313-L59029  
**Puan Siti Zailah binti Mohd Yusoff [ Rantau Panjang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah tempat asuhan bayi dan kanak-kanak di tempat kerja yang telah dilaksanakan oleh Kerajaan untuk kemudahan kakitangan awam seluruh negara.
53. PR-1313-L58458  
**Tuan Haji Mohd Rafizi bin Ramli [ Pandan ]** minta **MENTERI KEWANGAN** menyatakan jumlah terkini sehingga Ogos 2013 bon dan hutang yang ditanggung oleh 1MDB. Berapakah pecahan hutang yang dijamin Kerajaan atau mendapat surat sokongan Kerajaan.



**ATURAN URUSAN MESYUARAT DAN USUL-USUL****1. Menteri Kewangan akan mencadangkan :**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

**2. Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2013 yang dibentangkan di hadapan Majlis ini sebagai kertas statut bil. ST. 61 tahun 2013 disahkan.”

**3. Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (1) Seksyen 11 Akta Kastam 1967 dan Seksyen 25 Akta Duti Timbal Balas dan Anti Lambakan 1993 supaya Perintah Duti Kastam (Barang-barang di bawah Perjanjian Perdagangan Keutamaan di kalangan Negara-Negara Anggota D-8) 2013 dan Perintah Kastam (Duti Anti-Lambakan) (No.3) 2013 yang dibentangkan di hadapan Majlis ini sebagai kertas statut bil.ST.100 dan ST.135 tahun 2013 disahkan.”

**4. Menteri Kewangan akan mencadangkan :**

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa AES Solutions Sdn Bhd, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham”.

**5. PR-1313-U58205**

**Datuk Madius Tangau [ Tuaran ] akan mencadangkan:-**

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Intrepretation Ordinance Sabah.

Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

6. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

7. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

8. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

9. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

10. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

11. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

12. PR-1313-U59119

**Dr. Tan Seng Giaw [ Kepong ]** akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

**(Menteri Kesejahteraan Bandar, Perumahan dan Kerajaan Tempatan)**

13. PR-1313-U59120

**Dr. Tan Seng Giaw [ Kepong ]** akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

**( Menteri Pengangkutan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2013</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.148	Laporan Tahunan dan Penyata Kewangan Suruhanjaya Pengangkutan Awam Darat Bagi Tahun 2012.	5 Disember 2013
ST.149	Laporan Tahunan dan Penyata Kewangan Perbadanan Kemajuan Filem Nasional Malaysia Bagi Tahun 2012	5 Disember 2013
ST.150	Laporan Tahunan dan Penyata Kewangan Pertubuhan Berita Nasional Malaysia (BERNAMA) Bagi Tahun 2012	5 Disember 2013